





In mandate Jesu Christi / an
alle seine getrewen Christen / In
welchem er auff gebewt allen so in in
der tauff gehalten vn̄ gesworn haben
Das sy / das verlorne Schloss (Den glaubenn
an sein wort) Dem teuffel widerumb abge
winnen sollenn. Gezogen auß heiliger
schrifft / von Nicolas Herman.



Argument.

In dieser Epistel oder Mandat / wirdt kurglich angezeygt
aus was vrsach das Christlich volck so jemmerlich geir-
ret / den glauben verloren hab / vnd wie es widerumb
dartzu kōmen möge. Darneben wirt auch ein Christ-
licher krieg wider den teuffel vnd sein hoff gesind
mit Christlichen waffen vffs kurgste abgemalt
vnd geleret / allen schwachem gewissenn
trosslich vnd kurzweylig zu lesen.



Ich Jesus Christus / der lebendige son gottes

geboren auß dem königlichen stam David / ein könig der eren / ein heyland der ganzen welt / ein versöner des zorn gottes / ein mitler zwischen gottis vñ dem menschen / ein sunden trager vñnd wares lamp gottis so hinweg nympt die sund der welt / Embiet allen meinen lieben getrawen Christen vñnd brüdern / mein gnad / fryd vñnd barmherzigkeit Amen.

Matth. 16

2. Reg. 7 mat. 1

1. Chor. 2 mat. 1

1. Jo. 1. 1. Thi. 2

1. Jo. 2

Esa. 8

Jo. 1



Ieben getrewen jr tragt gut wissen / wie ich auß lautter gnad vñ lieb meines vaters vor tausent funffhundert vñ xliij. jaren / euch zu gut in diß jamertal vñ betrübtet welt kommen sey / in form vñnd gestalt eines knechts / euch zu heyl vñnd seligkeit geborn / gegeben / vñnd vom vatter geschenckt / auß das ich ewer sund durch mein marter hinweck nehme / durch mein strimen euch seliget / mit meiner geißlung / Krönung crentzung / vñnd ander pein / so ich duldet / dem zornigen got meinem vatter / versöner / vñnd angenehmer machet / Kurz / das ich ewer feind den tod teuffel / hell durch meinen tod erwürget vñnd oberweldiget / Vñnd das ich durch mein aufferstehung euch rechtfertiget / vñnd miterben machet des reichs meines hymlichen vaters

Jr wist freylich auch / mit was grosser kost mühe vñnd arbeit ich mir zu einem erblichen volck / vñnd ewigen getrawen euch erkauft hab / Denn es gestet mich (wie ir wist) nit silber / nit golt / nit edelgestein / oder ander zeytlich güter / Es kost mich auch nit zu vilmal tausent geharnischte meßer / gewapnete roß / gewaltige steet oder königreich / das ich euch dem teuffel ewrem feind auß dem hals gerissen / vñnd mein fenlein bracht vñnd erobert hab / Sonder es kost mich etwas tapfferers vñnd grossers / nemlich / meinen zarten leichnam / mein vñschuldigs blut vñnd edles leben / darmit (wie ir denn wist) ich mit euch eygen zu ewigen getrawen vñnd erblichen königreich erkauft habe. Jr wist auch wol wie ir euch mit eydes gelübd ge

Jo. 3

Phil. 2

Warumb Christus geborn sey

Esaie. 9

1. Petri. 5

1. Petri. 5

Roma. 4

1. Petri. 1

Roma. 8

1. Petri. 1

Notū bap̄tismi

gen mir in der tauß verpflichtet/ vnd als ewrem erbherren ge-
holt vñ geschworen habt/ Tun bin ich aber ewres vergessens
eydes/ abfallung vnd nachlässigkeit/ meiner gebot zimil mal
vnderricht. Es ist auch für mich kommen/ wie durch ewer
vnachtsamkeit vnd nachlassung meiner gepot/ die sterckste
vehst/ so ich zu verwartung des gägen lands/ mit grosser ar-
beit erbawet/ euch treulich zuuerwaren vnd innezuhalten be-
uolhen hat/ vō dem teuffel durch sein hōre des geistlosen hau-
fens/ eingenomen vñnd oberweltiget sey. Nemlich der glaub
an mein wort das heylig Euangelium/ mit welcher vehst ich
das ganze land der Christlichen Kirchen verwaret/ sicher vñ
vnüberwintlich vor den feunden gemacht hab/ Ich besorget
aber wol/ die zeyt so ich noch bey euch vff erden wandelt/ das
dis burg der glaub merckliche anstōß von dem teuffel euren
feind erdulden wird/ Auch erkant ich zimor (wie ich dan alle
ding zimor kēnen vnd wissen kan) mit was list/ ansehleg vnd
behendikeit er dises schloß stürmen vñ bichen wird/ Serhal-
ben beualh ich ewch treulich des in acht vnd vleissiger hut zu
habenn. Leret euch auch wie jr das schloß ritterlich vor den
feunden erhalten mögt. Ich ließ euch auch meine amptleit/
so ich auß gnadenn mir zu dienen erwelt hab/ nach meinem
abscheid mundtlich vnd schriftlich/ des zukünfftigen kriegs
vnderrichtenn. Auch schicket ich in meinem geyst/ so ich
in versprochen hatt/ durch welches anweisung sy euch mu-
sterten/ vñ zu dem streit fertig machten. Ich ließ auch durch
sy/ büchssen/ helpartenn/ kyriß/ schildt/ helm/ panzer/ krebs
vnd ander kriegs geredt/ so ich zu disem streyt/ bequem vñnd
tüchtig wußt/ euch anzeigen. Darmit ir dise burg vnd edles
schloß vor den feunden erhalten möcht. Ober dis alles/ ma-
let ich/ vñnd kunterfeyet euch klärlich ewer feind ab/ was es
für gesellen sein wurden/ mit welchen sich der krieg wurde be-
geben/ Nemlich reissende wolff/ mit schaffbelten außwendig
bekleidet/ das ist geistliche/ frome vñnd werck heylige lewth.
Phariseer/ Neuchler/ Schrifftgelerte/ Bapst/ Cardinel/ Bi-

Der glaubē
ist eyn verwar-
rung vñnd vest
der gantzem
Christenheit.

Esaiē. 5.

Preuidit deus
defectionē hāc
a fide. Et futurā
hanc Idolatriā
predit.

Johannis. 15.
Nō vos me ele.

Johannis. 16
Actuum. j

Ephe. 6

Matth. 7

Teufels Hoffgesind
Lurckst sind ganz blind

schoff/ Official/ Thumherren/ Erzpriester/ Dechant/ Apt/
 Nönnich/ pfaffen/ vnd solche verführer/ welche ob wol mein
 lieben getrawen Hieremias vnd Ezechiel/ mit den andern
 propheten iren mitgesellen zumoz hatten angezeigt/ vnder
 liß ichs dennoch nit/ stalt sy vnder ewer augen/ prediget von
 in/ vnd weyset gleich mit fingern vff sy/ vff das ir sy zükennē
 lernet/ Wiedem mein getreuer Kängler Mattheus im vii.
 xij. xv. xxii. capiteln euch schriftlich hinder sich gelassen hat
 Dergleichen auch mein aufferwelt vass Paulus gethan hat
 an vil örtern seiner Sendbrieff oder episteln/ welcher keinen
 vleyß gespart hat/ dieselbigen henigen euch so anzuzeygem
 vnd verraten/ Petrus/ Joannes/ vñ die andern mein freund
 vñnd mitrichter schir Kommendes jungsten tags/ habenn sy
 auch geruget/ von irem zukunfftigen geyg/ betryg/ handtie-
 rung vnd gleyfnercy geprediget vnd geschriben/ vnd die anti-
 chrishtischen bubē abgemalt/ Nun aber der Keins an euch hat
geholfen/ vñnd ir keine aufred. oder entschuldung habt für
zuwenden/ diser vntrew vnd vergessens eydes euch zuuerant-
worten/ sonder habt mein götliches wort/ trewe leer vñnd vä-
terlichen rade veracht/ vnd meinen todt so ich für euch am
Creuz erduldet gleich verspottet/ darzu mich ewern helffer
heyland/ miltler/ seligmacher/ erlöser vñnd gnadensful verküß
vnd verschlagen habt/ er grymmet ich/ vnd keert mein augē
von euch/ vñ verhing/ das ewre feind mit gewalt das landt
einnamen/ euch fingen/ hingen/ schunden/ schleiften/ branten
vnd alles mitwillens an euch begingen/ vñnd endlich mit
falscher menschen leer gang vnd gar von mir abwanten vff
den abgot Baal zu Rom vnd larten euch opffern frembden
göttern/ also/ das keiner vnter euch die ir solt meine getrewen
sein/ vnd hat mir als ewrem erbherrn gehalten vnd geschwo-
ren/ ein mal mein gedacht/ oder sich guts zu mir verschē bet
Solche ferliche zeyt waren/ vnd nyman merckt das vilhun-
dert jar lanna/ also/ das auch die aufferwelten kaum vnuer-
furt blieben/ Vnd wie die drey kinder Sirack/ Misac/ vñnd

Des Teuffels
 hofgesynd.
 Ezech. 13. 34.
 Hieremie. 23.
 Actum. 20.
 1. Thimo. 4
 2. Thessa. 2
 Philii. 3
 Collossen. 2
 2. Petri. 2
 1. Johann. 2
 Anweisung
 du feilst teuffels
 darwilt mit werden
 Er muß du wol
 mit vnter im fe
 Hieremie. 6.
 Daniel. 24.
 3 14

Danic. 3
Hiere. 4 B.

Von wan diser
yrthub komē sy

Hiere. 6
Hiere. 7

Hiere. 8

Hiere. 9.

Amos. 8

Hiere. 3. 11
Judicij. 10

Hiere. 3

Hiere. 3

Hiere. 3

Abdenago in dem feuer offen Bapstliches gefess behalden
worden. Zu solchem jammer aber (o mein volck) bringē dich
dein bösen wege vnd sündigen gedancken/ vnd dise straff alle
hab ich dir zugeschickt/ darumb das du meinem wort nicht
gehört/ vnd mein gesetz verworffen hast/ Denn ich habe zu
euch gesand meine knecht/ vnd ir hat sy nicht wöllen hören/
Ir habt angenommen die lügen/ vnd nit widergetart/ do li-
get ich vnd mercket vff euch/ vnd schaw es war keiner wel-
cher mir was guts geredt hette/ so fund ich auch keinen der
da büßthet/ denn ir hat mein wort hingeworffen/ vnd kein
weyßheit war bey euch/ Derhalben gib ich euch zutrinken
wasser der gallen/ vnd speyse euch mit wermut (das ist/ ich
ließ euch mit menschen leer setigen) vñ mein wort ward euch
vorhalden/ Denn ich schickte zu euch einen sehr grossen hun-
ger meines wortes/ also das ir vñ mitternacht bis zum mor-
gen reysset/ vnd fandt es dennoch nit/ das ist/ ir lieffte vom
Rom bis zu sant Jacob/ von sant Jacob gen Sch/ von Sch
ins Grymmetal/ vom Grymmetal zu der Lich/ zu der Sicht
zum Apfelbaum/ zu dem Birnbaum/ noch dennoch fundet
ir ewren selē keine speiß/ noch dennoch saget man euch mein
wort nit/ durch welchs ir der sünden het mögen loß werden/
vnd den rechten weg zum hymmel lernen/ Vnd wiewol ich
ygunst in der zejt ewres vbels vnd vernolging (so ir zu mir
ruffet sprechende/ O herr stehe auff vnd erlöse vns) sagem
möcht/ Wo sein ewer götter/ welche ir euch erwelt vnd ge-
macht hat? Last dieselbigen auffstehen vnd euch erlösen in d
zejt ewer angst/ vñ hat ir doch sonil götter als stette waren
in ewrem land. Vnd wiewol du (o mein volckel vnd verlobte
braut) mit vil andern gebulet hast/ yedoch wil ichs nit an dir
rechen/ Kom allein zu mir vnd ker wider/ so wil ich dich auff
nemen. Ich wil mein angesicht vnd barmherzigkeit nit von
dir wenden/ dann ich bin heylig vñ mein zorn weret nit ewig
Neigt allein ewr oren vnd Kompt zu mir/ höret mich so wirt
leben ewr sele/ Vnd ich wil mit euch einen ewigen bundt ma-

ehen/den pacht der barmherzigkeit/ Señ ich gedenc̃t meiner
 zusag vñnd versprochenen barmherzigkeit/ durch meinen
 knecht Ezechiel/ Ich wil erledigen mein herd/ auß iren
 henden/ vñd sy sollen sy furtan nicht mehr weyden/ denn ich
 wil mein herd reysen auß iren rachen/ das sy es nit gar fressen/
 vñd wil sy heimsuchen/ vñd von iren hirten erledigen/
 vñd durch meines wortes getrauen außruffen Jeremiam/
 Ich wil mich zu euch keren vñnd ewer erbarmen/ allein hört
 meine stym/ vñ hört alles was ich euch gebiet/ so wil ich euch
mir zu einem volck haben/ vñd ich wil ewer got sein/ vñd wil
euch hirten geben noch meinem gefallen/ die sollen euch wey-
 den mit meiner kunst vñd leer/ vñd mein wort vor sagen/ den
 ich hab keinen gefallen an ewer tod vñ verderbnis/ vil mehr
 aber wold ich das ir euch bekeret vñd lebet/ Darumb verlast
 die cistern so ir euch selbst gegraben habt/ vñd kompt zu mir
 ich wil euch des lebendigen wassers geben/ vom welchem so ir
 trincken werdet/ wirt euch nimmer dürsten/ Ir dürfft euch
 nit vor mir schewen/ ir dörfft auch kein forcht haben/ kompt
 nur kecklich zu mir/ dann ich bin gelimpflich vñd von hergē
 demütig/ Suchet mich ewer herren/ dweyl ir mich findenn
 kundt/ rufft mich an dweyl ich nahe bin/ verlast ewer bösen
 weg vñd arge gedancken/ vñd kompt zu mir/ so wil ich mich
 ewer erbarmen/ Diser zusagung bin ich yegunt eindechtig
 vñd ruff es nach eins auß/ vñnd bieth es euch an/ Das alle dy
 ir durstig seyet/ kummet zu dem wasser/ die ir aber nicht gelt
 hat/ oder sylber/ kompt eylende keufft mir ab vñd esset/ keufft
 sag ich ane sylber oder yrgeng einerley verwechslung lanter
 vmb sonnst/ wein vñnd milch/ das ist meine barmherzigkeit/
 gnad vñd gerechtigkeit/ wil ich sy doch euch vmb sonst gebē
 ir dörft mir nichts dargegē thun/ allein kompt nur kompt
 ich wil sy euch schencken/ nempts nur an/ Derhalben mein li
 ben getrewen/ wolt solch angebotene hilf vñd gnad nit auß
 schlagen vñ gering achten/ vff das ewer feind der teuffel mit
 seinem beschornen her/ nit verurrsacht werd/ weyter fürzusa

Esaie. 55
 Ezechie. 34
 Et sic profet
 Hiere. 12.
 Hiere. 11
 Hiere. 3
 Ezech. 18
 Hiere. 2
 Jo. 4
 Omnia q. solaris
 Mat. 21.
 Esaie. 55
 Esaie. 55.
 Sine Arto 7.
 omne:
 i. Dent. 5
 imm

Bestornis hirt des teuffels

ren/den er geet vmb wie ein grymmiger lew/vnd sucht allent
 halben anschleg/vnd gebraucht aller list vnd behendigheit
 darmit er euch zu jm brengen vnd würgen möcht/ Ir werdet
 aber jm nicht mögen weren/so wirt in auch nichts hindern/
 wo jr die schantz vbersehen werdt/das er das eingenommene
 Schloß (den glauben an mich vnd mein wort) wirt unthal-
 ten/Denn es ist des gangen Chrißlichen Königreichs verlust
 vnd gewin an dem einigen Schloß gelegen/vnd vnmöglich
 wer es/wo diß Schloß vngewonnen wer/das yrgentz einenn
 schaden das land het mögen erdulden/ Ober das alles ist zu
 erbarmen/das ir den verlust vnd schaden nicht gemerck
 habt/euch lassen beduncken ir seyt die allergleibigsten/die bes-
 sten Chrißten/so doch in des ewer feind durch sein weybische
 Kriegsknecht/dise Burg vnd hohe Fehst/an allen ecken/vn
 auff allen seytzen zuschossen/zurissen vnd gar verwüst hat.
 Derhalben erman ich euch/als mein liebē getrewen/bey dem
 eyd/so ir mir in der tauff geschworen hat/dweyl souil an diser
 Fehst gelegen ist/das ir durch krafft dises brieffs/ewer hul-
 dung erinnert/euch wolt lassen auff geboten sein/vnd wie ge-
 horsame ewrem erbheern erzeygen/Denn ich gedencē meinen
 feinden eylend nach zu jagen/vnd gewaldtlich das verlorne
 Schloß widerumb euch zu gut heyl vnd seligkeit einzunemē.
 Derhalben samlet euch mein allerliebsten getrewen/vnd ey-
 let zu dem fenlein/laufft noch dem Klang vnd gedōn der her-
 paucken/welche mein diener ygunt vnd propheten bey v. ja-
 ren lang haben auf geschlagen/Ich mein aber mein wort/so
 ich durch sy hab lassen außruffen/verkunden vn auffschreyen
 denn ich wil wunder thun an meinen feinden/vnd barmher-
 zigheit erzeygen meinem volck/Ich wil euch mein volck erlö-
 sen von den henden ewrer feind/das ir solt sagen/ Ja vnser
 König hat vns erlediget auß der hand aller vnser feind/vnd
 die es sehen werden sprechenn/ Schaw sy haben inn dieh ver-
 trawt vnd gehoffet/vnd sein nicht zu schanden worden/Sie
 haben zu dir gerufft vnd sein selig worden/Vnd vil sein ge-
 west in

*a mein bapstym
fangit*

*10
sie sind nicht
sonver teuffel
euer in geboten
mit dem land
leben ist*

2. Regū. 10
2. Regū. 19
1 Psal. 21

west in widerwertigkeit/ aber vñ allen den hat sy erlöset ir herr
Dann nahend ist der herr den so da sein eines bekümmerten
herzens etc. Ich wil auch meiner zusag vñd verheisch volge-
thun/ vñd euch mein volck auß iren henden erlösen/ vñd ir
solt in furtan nicht mer zu einem raub sein/ Es werde auch
ewr feind sich selbst zu euch keren/ vñd ir nicht zu inen/ vñd ir
solt ewren feinden ein erhern mawer sein/ sy werdenn wider
euch kriegen vñd nichts schaffen/ Dann ich bin mit euch/
das ich euch selige/ vñd erlöset euch vonn der hand der bösemm
vñd gewaltigen/ Derhalben dürfft ir nicht feyg sein vñd ver-
zagt/ sondern seyt feck vñd mennlich/ forcht euch nit/ den ich
wil für euch streitten/ wie ich erwan wider Pharaonem/ vñ
andere so meinem volck Israel entgegen waren/ gethan hab/
vñ es soll ewren feinden eben das begegnen/ welches dem Am-
malech begegnet/ das ir sy an eyssen vñd schwertter vñ allen
Kriegszug vberwinden solt/ allein durch ewren glauben vñ
gebeet/ so ir zu mir haben werdet/ Vñd gleicher weys als Ju-
das mit den seinen (noch dem er mich im hertzen hat ange-
ruft durch sein gebeet) zu seinen feinden getreten ist vñd er
schlagen dreyszigtausent man/ durch hülff meiner gegenwer-
tigkeit/ Vñd die Kinder Ruben vñd Gad/ der Agarener hun-
derttausent vberweldiget haben/ darumb das sy mich in dem
streit anruften/ vñd in mich glaubten/ Also auch werd ich
euch helffen/ beysteen vñd beschützen/ so ir mich werd anruffen
in rechtem glauben/ vñd vnzweyfelter hoffnung/ denn mein
augen schawen vñ dy erden vñ geben sterck den so damit vol-
kommen vñd gangem hertzen in mich vertrauen.

Weyster mein lieben getrawen/ dürfft ir derhalben nit wey-
bisch vñd verzagt sein/ das ewer wenig/ der gotlosen aber ew-
rer feind vil sind/ denn es ist mir nit schwer/ das ich ir vil ge-
be in die hend weniger/ vñd es gilt gleich sonil in meinem an-
gesicht ob ich in vilen oder wenigen erlöse/ denn die vberwin-
dung kompt nicht von der meng oder gröss des heres/ son:

B

*in dem welt / hertzen / hand / nicht all vñd / hertzen / hertzen /
vñd / nicht / hertzen / hertzen / hertzen / hertzen / hertzen /*

Psal. 33.

Ezech. 13.

Hiere. 15.

2. para. 32.

Erod. 14

Josue 24.

Judit 5.

Judit 4.

Erod. 17

2. macha 45

1. paral. 5

2. paral. 16

*Parua man
fidei tui 7 cr*

1. mach. 3

Judicū. 7

2. Warā. 20

Roma. 15

Jacobi. 4

Psal. 17

Daniel. 6

See. 13

Esa. 7

Sopho. 1

Ezech. 7

Ephe. 6

Denn vom hymmel rab geb ich die sterck vnnnd vberwindung/
wie ich denn auch etwan meinem knecht Gedeoni geholffen
hab/vff das sich nymant darff rümen/als ob er durch eygen
Krefft vnd sterck erlöset wer/denn in meiner hand allein steet
die krafft vnd macht/vnnnd es kan mir nymang widersteen/
Über das so ist diser streit auch mein/vnd nit ewer/darumb
werdet ir nit die sein so do streitten werde/sonder steet allein
getrost/verlast euch nur kecklich auff mich/so werdet ir sehe
mein hülff vber euch/Gleubt/vertrawt nur mir allein ewrem
gott/so werdet ir sicher sein/Nempt doch ein ebenbild auß d
schriffte (sintmals es alles euch zu einer vnderweisung geschri
ben ist) von Mose/Gedeone/Juda/Josaphat/vnd andern
Kurgerzeten/wenn hab ich sy verlassenn? Also auch wil ich
euch thun/denn ich bins der allein verderben vnnnd erlösen
kan/Ich bin ewer firmament/beuestigung/erlöser vnd selig
macher/vnd one mich/solt ir keinen wissen/den ich habs mit
zeychen im hymmel vnd vff erden beweyset. Derhalbenn ge
trawt ir mir/vñ zweyfelt nit/so werdet ir vberwinden/Wo
aber nit (so mögt ir nit bestehen/vnd es wirt euch ewer silber
vnd gold/gewalt vnd sterck nicht mögen helffen/wo ich euch
lassen werd.

Sintmal aber nun/allerliebsten getrawen/die zeit des kri
ges vorhanden/vnd den feinden abgesetzt/erfordert die not/
das ir vff das allgerüste/mit dem aller besten heergeredt ge
wapnet/den feinden begegnet/vff das ir nicht werloß vonn
in begriffen/geschlagen werdet vnnnd vberweldiget/ Denn ir
habt nicht zu Kempffen mit fleisch vñ blut/sondern mit für
sten vnd geweldigem/mit den weltregenten der finsternis in
diser welt/mit den geistern der bosheit vnder dem hymmel
Wider solche feind aber werdet ir mit menschlichen waffen
nichts aufrichten/sondern es wirt euch von nöten sein des
harnisch vnd der waffen/welche mein getrewer hauptman
Paulus angezeygt vnnnd. beschriben hat/ zu den Ephesern.

am sechsten/ Nemlich/ das ir euch in mir bekräftiget/ vñ mei-
ner macht stercket/ vñnd zihet an den harnisch gottis/ den
harnisch der gerechtigkeit/ vñd waffen des lichtes/ vff das ir
besteen kundt gegen dem listigen anlauff des teufels/ Denn
ir werdet nit streitten nach fleischlicher weyse/ darumb sollen
ewer waffen auch nicht fleischlich sein/. Derhalben thut im
also (wie dann auch die kriegsknecht dyser welt zuthun pflie-
gen) so oft es sich begibt/ das sy mit einem ser ferlichen feynd
scharmügeln sollen. Wapnet euch mit allerley harnisch/ vñ
laßt nichts vnderwegen/ das zu ewer verwarung fürderlich
ist/ auff das so ir kempffen solt/ mögt fest besteen/ auff einem
guten grund vñd starcken fels/ das ist vff mir ewrem Chri-
sto. Dann ir sehet von den/ so da mit menschen kempffen/ vñ
sich zumerhawenn gesündt sein/ wie sy zum ersten sich allent-
halben mit harnisch/ Küris/ eysen hut/ schilt/ helm/ panger
vñd der gleichen wolbedecken/ vff das kein pfeyl/ oder streich
an in haffte/ Also auch ir so do innerlich im geist streiten sol-
len mit den teuffeln/ must gewapnet sein mit geistlichem vñd
innerlichem harnisch. Zum erstenn mit der warheit (die ich
bin/ oder mein heyligs wort) welche die lenden ewer seelen gur-
ten sol/ vñd euch vmbgeben wie ein schildt/ vff das ir auffge-
richt stet/ vñ wie die mauren vnbeuweglich wider allerley men-
schen leer/ anstoß/ oder anrennen/ vñd das ir euch mit densel-
ben nit lasset vmbfüren vñd stürzen/ denn das wirt das er-
ste anrennen sein ewrer feind/ das sy euch mit menschlichen leer
(welche zu meinem wort vergleicht eytel lügen vñnd vnflät
sein) vberweldigen vñd zu poden stoßen sich vndersteen wer-
den/ Solche püff aber auffzuhaldenn/ mein allerliebsten ge-
trawen/ solt ir angezogē sein mit dem Krebs der gerechtigkeit
vff das kein falsche lere euch von dem rechten wege/ von mei-
nem wort abwende/ Sarnach must ir geschuet sein an ewren
füßen mit rüstung des Euangeliums/ das ist/ ir solt ewer
gedancken/ affect. oder willen mit dem Euangelio schuen/

B ij

Wie man sich
zu Chrißlichem
streit rüsten soll
2. Th 102. 6
Rom 4. 13
2. Th 02imh. 10

1. Th 02imh. 10

Johannis. 14

Psal. 90

Hebros. 13

Sapienties

ad Col. 3 vff das ir durch dieselbigen fuß zum argen nit geleytet werden/vnd etwas begeret/das gottes willen entgegen/vnd ewerem willen/dem alten Adam zu seinem mitwill/förderlich oder hüfflich sey.

Vor allen dingen aber/ergreyffte den schild des glaubens/
Rom. 4 vñ. sehet jr auff/dz ir in keinem wege an meiner zusage zweyfelt/dann allerley fewrige vnd giftige pfeyl/so der listige feind zu euch schiessen wirdt/must jr vff disen einigen schyld fahen/das jr von denen vnuerlegt oder vnuerwund bleybet/

Deut. 33 Denn dig ist der schilt meiner hüff/vnd schild meines guten
Psalmos 5 willens gegen euch.

Jr solt auch angethon sein mit dem helm des heils oder
1. thessa. 5 der hoffnung auff die seligkeit. Darnach nempt in ewer rechte hand (als das nödigest) das schwert des geystes/welchs ist

indig Spud

das wort gotes/mit welchem jr köndt schlagen vnd wegtreiben/alle so ewch in disem kampf entgegen seyn/ Damit

Den. 33. dis ist das schwert meiner eeren. Verhabst mein ernstlicher beuelh/das ein yeglicher/so sich des kriegs anwaldtet/mit einem solchen scharpffen zweyschneydigen vnd guten schwert

Luce 22. solt den rock verkauffen.

indis vō 2pud

Heb. 4

Billich aber wirt mein wort vergleicht einem schwert/den es ist lebendig vnd thätig/vñ scher pffer dann ein zweyschneydig schwert/vnd durchtringet byß das scheidet seel vnd geist auch gelenck vnd marck/vnd ist ein richter der gedancken

Esai. 49 vnd synnen des hergens. Darumb ist mein mund oder wort wie ein scharpffes schwert. Also ist auch gesehē worden/geen auß meinem mund/ein scharpf zweyschneydiges swert/mitt

Esdr. 7

Apoca. 1

Apoca. 19

Psal. 2

welchem schwert will ich sy schlagen/alle heiden/vnd vnglaubigen/die da meinem wort entgegen sein/vnd will sy weyden mit der eysern rüht. Wie dysem schwert/meinem wortt/so: let jr ewch schutzen/auffhalten vnd ewer feynd weren. Auff das swert solt jr ewch künlich verlassen. Dann in seiner krafft

vnd scherpf/wd ir nur glaube/vn mit dem obgemelten schilt
 verseyt/werdet vberwinden. Wo aber einer vnder ewch kom-
 men wüde/vnd euch ein ander schwert zeygen/mit welchem
 ir ewren feind solt schlagē/(das ist menschen leer her für brin-
 gen/darmit ir solt zu hymmel kommen/vnd euch des tenfels
 erwerben)den nempt nit an inn ewer hauß/ grüß in nit/habe
 niches mit im zuschaffen/vff das ir nicht teilhafftig werdet
 seiner bösen werck/halt in für ein lugner/so er nit mein wort
 redet/Denn eben durch diß mein wort/sint geschaffen hym-
 mel vnd erden/vnd von dem geist meines mundes habent sy
 all ir krafft vn wirkung/ Derhalben hüt euch/das ir nicht
 etwas darvon oder darzu thut/vnnd also scharren brecht
 in diß schwert./Last es euch scharff vnd gut genug sein/wie
 es von mir euch gelassen ist/andert es nit/sondern gebraucht
 des gestracks noch meinem benelth. Ir mußt euch aber vilmal
 mit diesem schwert vben vnnd geschickt werden/darmit zu
 kempffen(das ist fleysig in der schrift vorschein/vnd meinen
 willen lernen erkennen)vf das ir gewonet nichts anzufahen
 on meinen willen vnd geheysß/ So wil ich euch den nicht mei-
 ne knecht/sondern meine liben fründe/brüder/ mütter vnnd
 schwestern nennen/Denn diß mein wort sol euch seit ein wol-
 ken am tag/vnd fewrige sewl in der nacht/welche euch lench-
 te in ewrem wandern vnd außzug/vn so ir werdet nach dem
 wandern/werdet ir nit kommen in die finsternis zc.

2. ioan. 2

Psal. 115

Psal. 32
Deut. 4. 12

Jo. 5

Jo. 15
Matth. 12
Ero 13
Psal. 118

Diß mein fürnemen/lieben getrawen/hab ich euch im be-
 sten/nit wöllen verhalten/sondern zu erkennen gegeben/des
 vorschens/ir werdet ewer not vnd zwanck erkennen/vnnd zu
 mir ruffen/vnd mich früntlich vnd hülf vnd beystand an-
 suchen/So wil ich mich dem vber euch erbarmen vnnd ewer
 annemen von ewren feinden/verfürern/vnd falschen hirtē
 dem geistlichen geschwörme Bapst/Bischoffen/Cardinelen
 Curtisanen/Erzpriester/Dechant/Officialen/Totarien/
 Mönch vnd pfaffen/mit meinem wort ewer gewissen erlede

Vö dr geystlich
 sündig vnd
 er griffen etc

ten/welchs wort ich durch meine knecht vnd büttel verjunde
laß außrufen/vnd es soll mit gewalt zusehendig in der gan-
gen welt aufgeen/vnd die scham vnd bloß aller gleyßner/ so
ench bißher verfurt haben/entdecken/Vnd wil darnach inn
Kurg/so ich diß mein wort/ein zeyt lang hab lassen ausschreyē
mit ernst kōmen/mein lieben getrawen meines erbs teilhafz
tig zumachen/vnd die meynydigen/so von mir gewichenn/
werffen in die ewige verdammis. Darnach/mein lieben ge-
trawen/hab sich menniglich one entschuldigung zurichten/
mit stärer aufsehung meiner zukunft/dann ir wist weder
stund noch tag. Geben zu der rechten meines hymlischen
vatters/nach meiner geburt im. M. D. XXIII.

Jesus Christus der leben-
dige son gotis vnnd heys-
land der gangen welt.





